



Nuuk, 10. december 2015

Inatsisartut Suleriaasianni § 37 naapertorlugu Naalakkersuisunut imaattumik apeqquteqarpunga.

### Apeqqutit:

- 1) Inuutissarsiornermut Naalakkersuisoq Randi Vestergaard Evaldsen Qulaarpaami sisamangornermi novembarip 26-ni 2015 ima urani pillugu aalajangiinarneq pillugu oqarpoq: "...Soorunalimi uagut aamma tamatta akuutinneqassaagut...".  
Innutaasut qanoq peqataatinneqarnissaat pillugu Naalakkersuisup pilersaarutigaa?**
- 2) Naalakkersuisup "tusarniaanerit" Naalakkersuisullu "paasititsiniaallutik ataatsimiititsisarneri" eqqartorpai. Naalakkersuisup tusarniaarnerup paasititsiniaanerullu assigiinngissutai qanoq nassuiaateqarfigisinnaavai?**
- 3) Naalakkersuisoq oqarpoq "...Suliffeqarfiup VSB aamma VVM saqqummiunneqarnikuupput... ..Inuiaqatitsinnut saqqummiunnikuupput Naalakkersuisut nittartakkatsinniipput...".  
Ingerlatseqatigiiffiup nammineq VVM-liaa VSB-liaalu innuttaasunut paasititsiniaassutitut kisimiitillugit naammassorai?**
- 4) Nalunaarusiat taakkua marluk qanoq paasinartumik innuttaasunut paasissutissiissutigineqarpat?**
- 5) Naalakkersuisup "Hvidbog" saqqummersimasoq eqqartorpa. Hvidbogip pineqartup imarisassai kia aalajangiiffigai?**
- 6) Kuannersuarni piiaanissamut qinnuteqartoqassappat kikkut akuersisummik itigartitsisummilluunniit tunniussisinnaatitaappat?  
(Inatsisartunut ilaasortaq Múte Bourup Egede, Inuit Ataqatigiit)**

### Tungavilersuut:

Ulloq 26-11-2015 KNR-mi Qulaarpaa aallakaatinnerani kalaallisuuani Inuussutissarsiornermut Naalakkersuisoq Randi Vestergaard Evaldsen ilaatigut ima oqaaseqarpoq "...Suliffeqarfiup VSB aamma VVM saqqummiunneqarnikuupput... ..Inuiaqatitsinnut saqqummiunnikuupput Naalakkersuisut nittartakkatsinniipput...Soorunalimi uagut aamma tamatta akuutinneqassaagut..."

Aatsitassarsiornerit sulluunniit aallartisarnerini sukumiisumik tusarniaasarnissaq tamatta isumaqatigiissutigereerparput.

Taamaattumik Naalakkersuisut tusarniaasarnernut periusersartagaat itisilerlugit paaserusunnarput, taamaattumik apeqqutit qulaaniittut apeqqutigivagut.

Apeqqutit ullut suliffiit qulit qaangiutsinnagit akineqarnissaat kissaatigaara.